

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
GRAD CAZIN

SLUŽBENE NOVINE
GRADA CAZIN

GODINA I	BROJ 5	25.03.2025. CAZIN
-----------------	---------------	------------------------------------

GRADONAČELNIK

114. Na osnovu člana 33. Odluke o izvršenju Budžeta Grad Cazin za 2025. godinu („Službene novine Grada Cazin“, broj: 01/25 i člana 116. Statuta Grada Cazin („Službene novine Općine Cazin“, broj: 4/21), u skladu sa Zakonom o Gradu Cazin („Službene novine Grada Cazin“, broj: 1/17), Gradonačelnik donosi:

P R O G R A M

o vrstama, kriterijima i načinu raspodjele novčanih sredstava iz Granta za razvoj poljoprivrede u Gradu Cazin za 2025.godinu

član 1.

Ovim programom propisuju se uslovi koje moraju ispunjavati pravna i fizička lica (u daljem tekstu: kandidati) da bi ostvarili pravo na novčane podrške u primarnoj poljoprivrednoj proizvodnji za 2025. godinu (u daljem tekstu: novčane podrške), uređuju se postupci za njihovo ostvarivanje, načini isplate, plan raspodjele i potrebna dokumentacija.

član 2.

Godišnjim planom Grada Cazin utvrđena je mjera: „Unapređenje kapaciteta za održivo korištenje poljoprivrednog zemljišta i povezivanje s prerađivačkim kapacitetima“, koja ima za cilj ovim Programom povećati poljoprivrednu proizvodnju, povećati površine poljoprivrednog zemljišta koje će se produktivno koristiti, povećati broj registriranih poljoprivrednih proizvođača, povećati broj članova u registriranim poljoprivrednim gazdinstvima, povećati broj registriranih poljoprivrednih obrta i poslovnih subjekata.

član 3.

Za poticaj primarne poljoprivredne proizvodnje na način kako je to regulisano ovim Programom, koristiti će se sredstva iz Budžeta Grada Cazin, pozicija „Grant za razvoj poljoprivrede“ u iznosu od 650.000,00 KM (ekonomski kod 614 311 - pravna lica u iznosu od 250.000,00 KM i ekonomski kod 614 239 – fizička lica u iznosu od 400.000,00 KM)

član 4.

I - Subvencioniranje troškova proizvodnje kravljeg mlijeka u kooperaciji

Pravo na novčanu podršku ostvaruju kandidati sa područja Grada Cazin koji su upisani u Registar poljoprivrednih gazdinstva ili Registar klijenata, a koji sudjeluju u lancu otkupa mlijeka na komercijalnoj osnovi.

Podrška je u iznosu od 0,015 KM po litri otkupljenog mlijeka u 2024. Godini. Kandidati podnose zahtjev Službi za poljoprivredu Grada Cazina. Uz zahtjev prilažu slijedeću dokumentaciju:

a) Taksa od 5,00 KM.

b) Kopija platnih lista realiziranog otkupa mlijeka u 2024.godini ili potvrda o isplaćenim količinama mlijeka za 2024.godinu na ime proizvođača mlijeka sa pripadajućom šifrom ili JMBG od strane mljekara, zadruge, otkupne organizacije ili listing-spisak od otkupljivača mlijeka sa podacima o isporučenim količinama mlijeka

Rok za predaju zahtjeva od 01.04. 2025. do 31.05.2025.godine.

II - Subvencioniranje proizvodnje voća, povrća i cvijeća u plastenicima ili staklenicima

Pravo na novčanu podršku ostvaruju kandidati sa područja Grada Cazina koji su upisani u Registar poljoprivrednih gazdinstva ili Registar klijenata, a koji imaju proizvodnju povrća, voća i cvijeća u plastenicima ili staklenicima. Da bi ostvarili pravo na podršku, između ostalog neophodno je da imaju urađenu analizu zemljišta ne stariju od 3 godine. Podrška u iznosu od 2,5 KM/m² ostvaruju kandidati koji imaju površinu manju od 200 m² plastenika ili staklenika, dok kandidati koji imaju površinu plastenika ili staklenika od 200 do 1200 m² ostvaruju podršku u iznosu od 1,50 KM/m². Iznos podrške bit će uvećan za troškove analize zemljišta urađene u 2024. godini. Kandidati podnose zahtjev Službi za poljoprivredu Grada Cazina. Uz zahtjev prilažu slijedeću dokumentaciju:

- a) Analiza zemljišta (ne starija od 3 godine)
- b) Dokaz o plaćanju troškova analize zemljišta za one koji su radili analizu u 2025. godini
- c) Taksa od 5,00 KM.

Rok za predaju zahtjeva od 01.05.2025. do 30.06.2025. godine.

Nakon podnošenih zahtjeva Služba za poljoprivredu će izaći na lice mjesta i sačiniti zapisnik o navedenoj proizvodnji.

III - Subvencioniranje troškova uzgoja pčelinjih društava

Pravo na novčanu podršku ostvaruju kandidati sa područja Grada Cazina koji su upisani u Registar poljoprivrednih gazdinstva ili Registar klijenata, a koji se bave pčelarstvom. Podrška je u iznosu 5,00 KM/košnica. Da bi ostvarili pravo na podršku, kandidati podnose zahtjev Službi za poljoprivredu Grada Cazina. Uz zahtjev se prilažu slijedeći dokumenti:

- a) Taksa od 5,00 KM.
- b) Ovjerena izjava općinskog ili kantonalnog udruženja pčelara u kojem je korisnik učlanjen, da materijalno i krivično stoji iza podataka o broju aktivnih pčelinjih društava u vlasništvu korisnika i da se korisnik nalazi na popisu članstva udruženja u 2024. godini.

- c) Potvrda o provedenim obaveznim mjerama (kopija) sa tačnim brojem košnica

Rok za predaju zahtjeva od 15.04.2025 do 15.05.2025. godine.

IV - Podrška za troškove postupka legalizacije gospodarskih objekata (štala)

Pravo na podršku imaju kandidati sa područja Grada Cazina koji su izvršili legalizaciju postojećih gospodarskih objekata (štala) u funkciji poljoprivredne proizvodnje i pribavili građevinsku dozvolu do 01.12.2025. godine. Kandidati moraju biti upisani u RPG i RK.

Podnošenje zahtjeva legalizaciju postojećih gospodarskih objekata (štala) klijent uz zahtjev dostavlja:

- a) Taksa od 5,00 KM.
- b) Građevinska dozvola za gospodarski objekt (štala).
- c) Dokaz o izvršenoj uplati za troškove u postupku legalizacije gospodarskih objekata (takse, naknade, rente i neophodne saglasnosti institucija).

Nakon podnošenih zahtjeva Služba za poljoprivredu će izaći na lice mjesta i sačiniti zapisnik.

Podrška za troškove postupka legalizacije gospodarskih objekata (štala) iznosi 90% od ukupnih troškova postupka legalizacije.

Rok za predaju zahtjeva je do 01.12.2025. godine

V - Subvencioniranje nabavke visoko steonih junica za nove poljoprivredne proizvođače

Pravo na subvenciju za nabavku visoko steonih junica ostvaruju kandidati sa područja Grada Cazin koji nisu upisani u registar poljoprivrednih gazdinstva ili registar klijenata i koji nisu bili članovi gazdinstva. Grad Cazin će raspisati Javni poziv za predaju zahtjeva za subvencioniranje nabavke visoko steonih junica. Podrška je namijenjena za subvencioniranje nabavke jedne visoko steone junice, a sve u cilju proširenja poljoprivredne proizvodnje. Nabavka 20 visoko steonih junica za 20 novih korisnika koji nisu upisani u RPG i RK subvencionirat će se do 90 % od ukupne vrijednosti visoko steone junice.

Prije objave Javnog poziva objavit će se Pravilnik o utvrđivanju uslova, kriterija i postupaka za ostvarivanje prava na subvencioniranje nabavke visoko steone junice.

Na osnovu Javnog poziva a u skladu sa Pravilnikom o utvrđivanju uslova, kriterija i postupaka za ostvarivanje prava na subvencioniranje nabavke visoko steonih junica pravo na ovu novčanu podršku ostvarit će 20 prvorangiranih kandidata.

Kandidati koji budu ostvarili pravo putem Javnog poziva upisat će se u RPG i RK, te će podnijeti zahtjev za subvenciju do 90% sredstava od ukupne vrijednosti visoko steone junice.

Uz zahtjev dostavljaju taksu od 5,00 KM i dokumentaciju koja će biti propisana Pravilnikom o utvrđivanju uslova, kriterija i postupaka za ostvarivanje prava na subvencioniranje nabavke visoko steonih junica :

Javni poziv bit će objavljen do 01.10.2025.godine

VI - Subvencioniranje nabavke novih plastenika za nove poljoprivredne proizvođače

Pravo na subvenciju za nabavku novog plastenika ostvaruju kandidati sa područja Grada Cazin koji nisu upisani u registar poljoprivrednih gazdinstva ili registar klijenata i koji nisu bili članovi gazdinstva. Grad Cazin će raspisati Javni poziv za predaju zahtjeva za subvencioniranje nabavke novih plastenika od 100 m² sa dodatnom opremom putem subvencioniranja. Podrška je namijenjena za subvencioniranje nabavke novog plastenika maksimalne površine 100 m², a sve u cilju proširenja poljoprivredne proizvodnje u zatvorenom prostoru. Nabavka novih plastenika za 20 novih korisnika koji nisu upisani u RPG i RK subvencionirat će se do 90 % od ukupne vrijednosti plastenika sa dodatnom opremom.

Prije objave Javnog poziva objavit će se Pravilnik o utvrđivanju uslova, kriterija i postupaka za ostvarivanje prava na subvencioniranje nabavke novog plastenika.

Na osnovu Javnog poziva a u skladu sa Pravilnikom o utvrđivanju uslova, kriterija i postupaka za ostvarivanje prava na subvencioniranje nabavke novih plastenika pravo na ovu novčanu podršku ostvarit će 20 prvorangiranih kandidata.

Kandidati koji budu ostvarili pravo putem Javnog poziva upisat će se u RPG i RK, te će podnijet zahtjev za subvenciju do 90% sredstava od ukupne vrijednosti plastenika.

Uz zahtjev dostavljaju taksu od 5,00 KM i dokumentaciju koja će biti propisana Pravilnikom o utvrđivanju uslova, kriterija i postupaka za ostvarivanje prava na subvencioniranje nabavke novih plastenika

Javni poziv bit će objavljen do 01.10.2025.godine

VII - Subvencioniranje nabavke novih plastenika

Pravo na subvenciju za nabavku novog plastenika ostvaruju kandidati sa područja Grada Cazin koji su upisani u registar poljoprivrednih gazdinstva ili registar klijenata. Grad Cazin će raspisati Javni poziv za predaju zahtjeva za dodjelu plastenika od 100 m² sa dodatnom opremom putem subvencioniranja. Podrška je namijenjena za subvencioniranje nabavke novog plastenika maksimalne površine 100 m², a sve u cilju proširenja poljoprivredne proizvodnje u zatvorenom prostoru. Nabavka novih plastenika za 15 korisnika subvencionirat će se do 30 % od ukupne vrijednosti plastenika sa dodatnom opremom.

Prije objave Javnog poziva objavit će se Pravilnik o utvrđivanju uslova, kriterija i postupaka za ostvarivanje prava na subvencioniranje nabavke novog plastenika.

Na osnovu Javnog poziva a u skladu sa Pravilnikom o utvrđivanju uslova, kriterija i postupaka za ostvarivanje prava na subvencioniranje nabavke novih plastenika pravo na ovu novčanu podršku ostvarit će 15 prvorangiranih kandidata.

Kandidati koji budu ostvarili pravo putem Javnog poziva podnijet će zahtjev za subvenciju do 30% sredstava od ukupne vrijednosti plastenika.

Uz zahtjev dostavljaju:

- a) Taksa od 5,00 KM.
- b) Otpremnica i račun za nabavku plastenika sa dodatnom opremom.

Javni poziv bit će objavljen do 01.10.2025.godine

VIII - Proizvodnja povrća na otvorenom (krastavac, paradajz, paprika, bijeli luk, dinja i lubenica

Pravo na novčanu podršku ostvaruju kandidati sa područja Grada Cazina koji su upisani u Registar poljoprivrednih gazdinstva ili Registar klijenata, a koji imaju zasade povrća sa sjetvom u 2025.godini i koji plasiraju povrće na tržište registriranom prerađivaču ili otkupljivaču (osim lubenice i dinje)

Pravo na novčanu podršku nemaju poljoprivredne zadruge. Podrška je namijenjena za subvencioniranje troškova, održavanje zasada, provođenje adekvatnih agrotehničkih i fitotehničkih mjera, te provođenje zaštite zemljišta i zdravlja bilja. Da bi ostvarili pravo na podršku, između ostalog neophodno je da imaju urađenu analizu zemljišta ne stariju od 3 godine na parceli na kojoj će u 2025.godini biti izvršena sadnja povrća. Visina podrške za proizvodnju povrća na otvorenom iznosi 1400,00 KM/ ha, te uvećano za vrijednost jedne analize zemljišta. Kandidat može ostvariti subvenciju za maksimalno 0,5 ha. Da bi ostvarili pravo na podršku, kandidati podnose zahtjev Službi za poljoprivredu Grada Cazina. Uz zahtjev prilažu slijedeću dokumentaciju:

- a) Taksa od 5,00 KM
- b) Račun (otpremnica) dobavljača kojim se dokazuje kupovina sjemena ili presadnica i repromaterijala u 2025.g.
- c) Analiza zemljišta (ne starija od 3 godine).
- d) Dokaz o plaćanju troškova analize zemljišta urađene u 2025. godini
- e) Kopija kooperantskog ugovora (osim lubenice i dinje)

Rok za predaju zahtjeva 03.06.2025.do 15.09.2025.godine.

Nakon podnošenih zahtjeva Služba za poljoprivredu će izaći na lice mjesta i sačiniti zapisnik o navedenoj proizvodnji

IX - Troškovi naknade štete nastale na poljoprivrednom gazdinstvu

Pravo na naknadu štete imaju kandidati sa područja Grada Cazina kojima je nastala šteta na poljoprivrednom gazdinstvu u zadnjem kvartalu 2024.godini i u 2025. godini, a koji su upisani u registar poljoprivrednih gazdinstva ili registar klijenata.

Pod štetom na poljoprivrednom gazdinstvu se smatra: uništavanje poljoprivredne mehanizacije ili opreme od elementarnih ili drugih nesreća, uništavanje poljoprivrednih objekata od elementarnih ili drugih nesreća, uginuće sitne i krupne stoke, uništavanje poljoprivrednih usjeva od poplava, elementarnih ili drugih nesreća i divljih svinja, uništavanje plastenika od elementarnih ili drugih nesreća, uništavanje voćnjaka od elementarnih ili drugih nesreća.

Uz zahtjev je neophodno priložiti slijedeće:

- a) Zapisnik Veterinarske stanice ili veterinarske inspekcije o uginuću krupne ili sitne stoke.
- b) Zapisnik nadležne institucije o uništavanje poljoprivredne mehanizacije ili opreme, poljoprivrednih objekata nastale od prirodnih ili drugih nesreća.
- c) Predračun vrijednosti poljoprivrednog objekta, mehanizacije, opreme, plastenika, sadnica, sjemena.
- d) Fotografiju nastale štete na poljoprivrednim usjevima, zasadima, plasticima, mehanizaciji i opremi
- e) Dokaz da je životinja odjavljena iz baze Jedinog registra domaćih životinja

Kandidat može ostvariti naknadu štete do 50% od ukupne štete nastale na poljoprivrednom gazdinstvu.

Troškovi naknade štete na poljoprivrednom gazdinstvu subvencionirat će se u ukupnom iznosu do 60.000,00 KM

Sačinjavanje zapisnika od strane Službe za poljoprivredu će se izvršiti u roku od 5 dana od prijema zahtjeva. Procjena štete nastale na poljoprivrednom gazdinstvu izvršit će se na osnovu tržišne vrijednosti poljoprivredne mehanizacije, poljoprivredne opreme, plastenika, voćnjaka, usjeva, krupne ili sitne stoke i na osnovu stanja na terenu prilikom sačinjavanja zapisnika.

X - Subvencioniranje tova junadi

Pravo na novčanu podršku ostvaruju kandidati sa područja grada Cazina koji su upisani u Registar poljoprivrednih gazdinstava i Registar klijenata, a koji se bave uzgojom tovnih junadi, koje uzgoji na svom gazdinstvu, izvrši klanje u ovlaštenoj klaonici a prodaje na kućnom pragu. Podrška je 700 KM po grlu. Kandidat ostvaruje pravo ako ispunjava sljedeće uslove:

- a) da utovi maksimalno 2 grla u jednom turnusu;
- b) uvede u tov grla starosti do 6 mjeseci;
- c) drži junad u tovu najmanje 200 dana a najviše do starosti 24 mjeseca
- d) podnese zahtjev Službi za poljoprivredu Grada Cazina za početak tova.
- e) podnese prijavu završetka tova Službi za poljoprivredu grada Cazina najkasnije 10 dana prije klanja. Na prijavi navede tačan datum klanja i prodaje.

Ovlašteni službenik će u roku koji je naveden u prijavi završetka tova izvršiti obilazak kandidata i sačiniti zapisnik o izvršenoj proizvodnji.

Uz zahtjev je neophodno priložiti sljedeće:

- a) Popunjen obrazac Z-1;
- b) Taksa od 5,00 KM
- c) Pasoš za grlo u tovu na ime kandidata ili A1 obrazaca na početku tova a na kraju poništene pasoše od strane ovlaštene veterinarske stanice.
- d) Potvrda od odjavi grla iz baze podataka od nadležne veterinarske stanice.
- e) Kopiju pojedinačnog ili skupnog obrasca za prijavu kretanja teladi kupljenih za tov na početku tova a na kraju poništen obrazac
- f) Zapisnik ovlaštene veterinarske stanice o početku tova
- g) Svjedodžbu o zdravstvenom stanju životinja na početku tova i poništena na kraju tova
- h) Kopija pojedinačnog ili skupnog obrasca za prijavu kretanja do registrirane klaonice.
- i) Potvrda o provedenim mjerama na kraju tova
- j) Potpisan i ovjeren račun o izvršenom klanju od registrovane klaonice na ime klijenta koji mora da sadrži: naziv, adresu i porezni broj registrirane (odobrenje) klaonice, zatim vrstu, količinu – broj komada sa brojevima ušnih markica, cijenu kljanja i datum izdavanja (izdaje se za fizička lica) na kraju tova.

Kandidat ne može ostvariti novčanu podršku za ista grla sa višeg nivoa vlasti.

Služba za poljoprivredu se zadužuje da na osnovu službene evidencije utvrdi da za ista grla nema prijavljenu proizvodnju na višem nivou vlasti.

Za ostvarenje prava na novčanu podršku klijent najkasnije do 01.10. tekuće godine

podnosi zahtjev gradskoj službi za poljoprivredu.

XI -Subvencioniranje nabavke poljoprivredne mehanizacije (traktora)

Pravo na subvenciju nabavke poljoprivredne mehanizacije (traktora) u 2025. godini ostvaruju kandidati (fizička lica i poljoprivredni obrti) sa područja Grada Cazina. Kandidati moraju biti upisani u RPG i RK. Za ovu namjenu predviđen je ukupan iznos sredstava do 17.000,00 KM. Maksimalan iznos po kandidatu iznosi do 10 % od ukupne vrijednosti poljoprivredne mehanizacije (traktora) a maksimalno 9.000,00 KM.

Klijent ostvaruje pravo ako ispunjava sljedeće uslove:

- a) Taksa od 5,00 KM
- b) Račun o nabavci nove poljoprivredne mehanizacije (traktor)
- c) Kopija saobraćajne dozvole

Sačinjavanje zapisnika od strane Službe za poljoprivredu će se izvršiti u roku od 5 dana od prijema zahtjeva.

Rok za predaju zahtjeva 15.04.2025.godine.

XII -Subvencioniranje projekata i programa u poljoprivrednoj proizvodnji

Grad Cazin će učestvovati u projektima i programima vezano za razvoj poljoprivredne proizvodnje, te u projektima i programima vezano za održivost malih lokalnih poljoprivrednih proizvođača. Projekti i programi u poljoprivrednoj proizvodnji koji će se subvencionirati odnose se na ulaganje zajedničkih

financijskih sredstava iz budžeta Grada Cazina i drugih nivoa vlasti (Federalno ministarstvo poljoprivrede, vodoprivrede i šumarstva, Ured za koordinaciju projekata - PCU pri Federalnom Ministarstvu poljoprivrede, vodoprivrede i šumarstva, Ministarstvo poljoprivrede, vodoprivrede i šumarstva USK-a), javnih preduzeća, međunarodnih nevladinih organizacija ili poljoprivrednih udruženja. Učešće Grada Cazin u projektima i programima vezano za razvoj poljoprivredne proizvodnje i održivost malih lokalnih poljoprivrednih proizvođača može i biti do 80 % od ukupne vrijednosti projekta ili programa.

Nakon završetka realizacije programa ili projekta aplikanti obavezni su dostaviti izvještaj o utrošku sredstava. Sredstva se moraju utrošiti onako kako su definirana u Biznis planu, saglasno Projektom dizajnu.

Ukupan iznos podrške Grada Cazin za subvencioniranje projekata i programa u poljoprivrednoj proizvodnji je do 60.000,00 KM.

Uz zahtjev dostavlja se :

- a) Taksa od 5,00 KM.
- b) Projekat ili Program.
- c) Dokument u kojem se dokazuje učešće drugih nivoa vlasti, javnih preduzeća, međunarodnih nevladinih organizacija ili poljoprivrednih udruženja najmanje 20% od ukupne vrijednosti projekta.

Rok za predaju zahtjeva 01.10.2025.godine.

XIII - Sufinanciranje troškova poljoprivrednih udruženja

Pravo na podršku za sufinanciranje troškova poljoprivrednih udruženja ima udruženje čije je sjedište na području Grada Cazina, a isto je upisano u RPG i RK. Prihvatljivi troškovi su troškovi za nabavku uredske opreme, troškovi edukacije, troškovi seminara, troškovi kancelarije

Uz zahtjev neophodno je priložiti slijedeće:

- a) Taksa od 5,00 KM.
- c) Rješenje o registraciji kod nadležnog ministarstva pravde.
- d) Fakturu za prihvatljive troškove.
- e) Dokaz o izmirenim obavezama za prethodnu godinu.

Klijent može ostvariti podršku do 3000,00 KM.

Sačinjavanje zapisnika od strane Službe za poljoprivredu će se izvršiti u roku od 5 dana od prijema zahtjeva.

XIV - Sufinanciranje stručnih skupova, kongresa, simpozija, edukacija, seminara i sajmova

Podrška za sufinanciranje troškova organizacije stručnih skupova, kongresa, edukacije, simpozija, seminara, i sajmova iz oblasti poljoprivredno-prehrambenog sektora, odobrava se:

- a) Naučnim, odnosno obrazovnim ustanovama koje su organizirale održavanje stručnog skupa, kongresa, edukacije, simpozija ili seminara;
Učesnici stručnog skupa, kongresa, edukacije, simpozija ili seminara mogu biti uposlenici Službe za poljoprivredu
- b) poljoprivrednim udruženjima poljoprivrednika, poljoprivrednim zadrugama, veterinarskim stanicama koja su organizator ili nosioci aktivnosti održavanja sajma;

Sufinanciranje troškova stručnih skupova, kongresa, edukacije, simpozija, seminara, i sajmova iz oblasti poljoprivredno-prehrambenog sektora sufinancirat će se u ukupnom iznosu do 20.000,00 KM

član 5.

Služba za poljoprivredu sačinjava spiskove korisnika kojima su odobrena sredstva, te dostavlja prijedlog Zaključka o odobravanju sredstava Gradonačelniku na potpis. Nakon potpisa i ovjere, Zaključak sa ažuriranim spiskovima korisnika se prosljeđuje Službi za financije, računovodstvo i trezor na dalju proceduru.

Služba za poljoprivredu odgovara za ispravnost dostavljenih spiskova.

član 6.

Za realizaciju ovog Programa zadužuju se Služba za poljoprivredu i Služba za financije, računovodstvo i trezor Grada Cazina, koje će nakon završene realizacije sačiniti konačnu informaciju o namjenskom korištenju sredstava.

Ovaj Program stupa na snagu danom objave u Službenim novinama Grada Cazina.

Obradivač:

Šef službe za poljoprivredu

Zuhad Porčić, dipl. ing.

GRADONAČELNIK
mr. Ogršević Nermin

.....

115. Na osnovu člana 86. a u vezi sa članom 88. Zakona o budžetima u Federaciji Bosne i Hercegovine („Sl.novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15 i 104/16), člana 12. Zakona o trezoru u Federaciji Bosne i Hercegovine („Sl.novine Federacije Bosne i Hercegovine“, broj: 26/16), Smjernica za uspostavu i jačanje interne kontrole kod budžetskih korisnika („Službene novine FBiH“, broj: 19/05), člana 38. Statuta Grada Cazin („Službene novine Grada Cazin“ broj: 4/21), a u vezi s članom 25. Statutarne Odluke o organizaciji Grada Cazin u skladu sa Zakonom o Gradu Cazin („Službene novine Grada Cazin“ broj: 1/17), Pravilnika o nabavci mobilnih telefona/aparata od operatera za pružanje usluga mobilne telefonije u Jedinstvenom gradskom organu uprave Grada Cazin, broj: 01/GN-05-17869/17 od 29.12.2017.godine, Gradonačelnik donosi:

PRAVILNIK O IZMJENAMA

Pravilnika o nabavci mobilnih telefona/aparata od operatera za pružanje usluga mobilne telefonije u Jedinstvenom gradskom organu uprave Grada Cazin

Član 1.

U članu 4. mijenja se „**70,00 KM mjesečno**“ a ima da stoji „**200,00 KM mjesečno**“.

Član 2.

Ovaj Pravilnik stupa na snagu 03.02.2025.godine, a objavit će se u Službenim novinama Grada Cazina.

Cazin, 31.01.2025.godine
Broj: 01/GN-05-17869 -1/17

GRADONAČELNIK
mr.Nermin Ogršević

.....

116. Rješavajući po zahtjevu podnosioca Udruženja „Društvo arhivskih radnika Unsko-sanskog kantona“, sa sjedištem u Bihaću, ul. Bosanskih banova br.3, 77000 Bihać, broj: 01/GN-11-1981/25 od 10.02.2025. godine, na osnovu Budžeta Grada Cazina za 2025. godinu („Službene novine Grada Cazina“, broj: 1/25), Odluke o izvršenju Budžeta Grada Cazina za 2025. godinu („Službene novine Grada Cazina“, broj: 1/25), Odluke o utvrđivanju kriterija za korištenje sredstava iz tekuće rezerve Budžeta Grada Cazina za 2025. godinu broj: 01/GN-11-171/25 od 08.01.2025. godine i člana 38. Statuta Grada Cazina („Službene novine Grada Cazina“, broj: 4/21), Gradonačelnik donosi,

Z A K L J U Č A K

I

Odobrava se prijenos novčanih sredstava Udruženju „Društvo arhivskih radnika Unsko-sanskog kantona“, sa sjedištem u Bihaću, ul. Bosanskih banova br.3, 77000 Bihać, u iznosu od 2.000,00 KM (slovima: dvijehiljade i 00/100 konvertibilnih maraka), iz Budžeta Grada Cazina za 2025. godinu i to iz stavke Tekuća rezerva, a vezano za finansijsku podršku realizaciji dokumentarnog filma „5. bataljon Vojne policije 5. korpusa Armije RBiH– na ekonomski kod:

614311 – Transferi neprofitnim organizacijama.

II

Sredstva iz tačke I. ovog Zaključka izdvajaju se sa razdjela 01, pozicija 600000 - Tekuća rezerva za 2025. godinu.

Sredstva se imaju uplatiti primaocu na transakcijski račun broj: 1990450003272829 otvoren kod Sparkasse Bank dd BiH, svrha uplate: Finansijska podrška realizaciji dokumentarnog filma „5. bataljon Vojne policije 5. korpusa Armije RBiH.

III

O zakonitom izvršenju ovog Zaključka starat će se Služba za finansije, računovodstvo i trezor i Stručna služba za poslove Gradonačelnika.

Korisnik sredstava dužan je Službi za finansije, računovodstvo i trezor dostaviti izvještaj o utrošku dodjeljenih sredstava u roku od 30 (trideset) dana od dana isplate odnosno utroška sredstava.

IV

Zaključak stupa na snagu danom donošenja, a ima se objaviti u „Službenim novinama“ Grada Cazina.

Broj: 01/GN-11-1981/25
Cazin, 20.02.2025. godine

GRADONAČELNIK
mr.Nermin Ogrješević

.....

S A D R Ź A J**GRADONAČELNIK**

114.	PROGRAM o vrstama, kriterijima i načinu raspodjele novčanih sredstava iz Granta za razvoj poljoprivrede u Gradu Cazin za 2025.godinu	2
115.	PRAVILNIK O IZMJENAMA Pravilnika o nabavci mobilnih telefona/aparata od operatera za pružanje usluga mobilne telefonije u Jedinstvenom gradskom organu uprave Grada Cazin	10
116.	Zaključak – prenos novčanih sredstava	11

IZDAVAČ: SLUŽBA ZA STRUČNE POSLOVE GRADSKOG VIJEĆA GRADA CAZIN

